



Broj : 10/E-11- 3273 /25
Sarajevo: 9-05-2025 godine

Na osnovu člana 10c. stav (5), člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Inspektorata od 06.05.2025. godine, Opštinski načelnik d o n o s i :

O D L U K U **o izuzeću od primjene Zakona o javnim nabavkama**

Član 1.

Od primjene Zakona o javnim nabavkama izuzimaju se usluge isključenja objekta sa gasne mreže u svrhu uklanjanja istog u ulici Hadži Sulejmanova br. 34, koje pruža KJKP „Sarajevogas“ d.o.o. Sarajevo.

Član 2.

Procijenjena vrijednost iz nabavku usluga iz člana (1) ove odluke iznosi ukupno 500,00 KM, a sredstva su planirana u Budžetu Općine Centar Sarajevo za 2025.godinu, na budžetskom kontu: 613991-7. JRJN: 98390000-3 Ostale usluge.

Član 3.

Ova Odluka odluka stupa na snagu danom donošenja i bit će objavljena na službenoj stranici Općine Centar Sarajevo.

O b r a z l o ž e n j e

Na osnovu zahtjeva Inspektorata od 06.05.2025. godine za nabavku usluga isključenja objekta sa gasne mreže u svrhu uklanjanja istog u ulici Hadži Sulejmanova br. 34, koje pruža KJKP „Sarajevogas“ d.o.o. Sarajevo, Kabinet općinskog načelnika – Odsjek za javne nabavke predlaže donošenje odluke o izuzeću. Procijenjena vrijednost za predmetne usluge iznosi 500,00 KM bez PDV-a.

Dalje, članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. stav (5) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:

- a) ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;*
- b) ta saradnja uspostavljena isključivo na osnovu potreba vezanih uz javni interes;*
- c) ti ugovorni organi ostvaruju na otvorenom tržištu manje od 20 % djelatnosti na koje se odnosi saradnja.*

Predmetne usluge se mogu obezbijediti od KJKP „Sarajevogas“ d.o.o. Sarajevo, odnosno za usluge koje su u nadležnosti javnih komunalnih preduzeća.

Naime, odredbama Zakona o komunalnim djelatnostima („Službene novine Kantona Sarajevo, broj 14/16, 43/16, 10/17, 19/17, 20/18 i 22/19), Skupština Kantona Sarajevo, kao osnivač KJKP „Sarajevogase“ d.o.o. Sarajevo, nadležna je za provođenje javne usluge priključenja i isključenja potrošača prirodnim gasom.

Saradnja između federalnih organa, javnih preduzeća i općine se ostvaruje s ciljem osiguranje javne usluge, kojom se ostvaruju zajednički ciljevi, a to se odnosi na korištenje gasne mreže za objekte na području Općine Centar Sarajevo. Cijene predmetnih usluga su propisane odlukom Skupštine Kantona Sarajevo, a na osnovu odobrenog cjenovnika usluga. Usluge isključenja objekta sa gasne mreže na navednoj lokaciji će biti plaćene na osnovu računa KJKP „Sarajevogas“ d.o.o. Sarajevo.

U skladu sa naprijed navedenim ispunjeni su uslovi za izuzeće od primjene Zakona o javnim nabavkama ("Službeni glasnik BiH", broj 39/14, 59/22 i 50/24) u skladu sa članom 10c. stav (5).

Analizirajući predmetni zahtjev, utvrđeno je da su ispunjene pretpostavke za realizaciju navedenih usluga, odnosno da su finansijska sredstva za ove namjene planirana u Budžetu Općine Centar za 2025. godinu, na budžetskom kontu: 613991-7.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama na konačno odobravanje i saglasnost.

Cijeneći prethodno navedeno donesena je Odluka kao u dispozitivu.

Dostaviti:

1. Inspektoratu,
2. Kabinetu općinskog načelnika - Odsjeku za javne nabavke,
3. Službi za finansije,
4. Evidenciji

